

SPECIMINIS ACADEMICI

D E

OTHINO, SCANDIANORUM NUMINE.

PARTEM POSTERIOREM

CONS. AMPL. FACULT. PHILOS. ABOËNS.

PUBLICO EXAMINI MODESTE OFFERUNT

J O H. G U S T. R A N C K E N,

*Historr. Docens,*

E T

RESPONDENS

G U S T A V U S R E N V A L L,

*Stip. Arcb. Austro-Fenno.*

In Audit. Mathem. die XVI. Junii MDCCCVI.

H. a. m. f.

---

ABOÆ,

Typis FRENCKELLIANIS.



Vicarum suspendio necandum illum impulisse, ut responsu oraculi, pro vento secundo obtinendo ducem Othino immolandum statuentis, satisficeret. (r) Pari modo rusticum Gest repræsentans, ænigmata Regi Heidreko proponit, qui tandem his defesfus, *Monstrum sœvum* eum appellat, gladioque Tirfing educto occidere conatur (f). Facile tamen de his similibusque erit judicium, si naturam numinum barbarorum, rationemque temporum, a nostris diversissimorum, consideraverimus. Primo quidem loco irati Regis Heidreki verba non nimis premenda esse, per se patet: deinde, ut in universum hac de re nostram exponamus sententiam, nonne imbecillitas humana Divinitatem, semper & ubique sibi similem finxit? Quid igitur sibi volunt frequentia illa: Othinus sœvus, iracundus, versutus, aliud quam Ζευς σχετλιος, Αρης ολοωτατος, Κρονος αγκυλομητης, &c.? Notior est hominum rudium, recti & decori sensu nondum imbutorum, consuetudo, rebus prospere procedentibus, Diis gratias agendi, fin fecus quid ceciderit, in eos & invehendi & omnem culpam transferendi, quam ut longiore explicatione egeat. Quid vero a Diis exspectari poterit, cum Regum filii urbes diripere, fana spoliare, hospitum filiis stupra inferre, non dishonestum duxerint? Nemo igitur de

C

Othi-

(r) C. 7.

(f) Hervavar S. C. 15.

Othino, salvo ipsius honore divino, nostris moribus turpia interdum prædicari miretur, præcipue cui comparationem inter ipsum & Jovem v. c. Home-ricum instituere placuerit. Athei denique, quibus patriam olim abundasse constat, & recentes Christiani, quid de Diis populi, simulque de Othino senserint, nec difficile est intellectu, nec sententiam nostram frangit.

### §. VII.

Tanto certius est, crudelem hunc bellorum præfidem ut poëtarum quoque patronum venerationem adeptum fuisse: cui notioni ansam præbuisse videtur pervulgata illa fama, qua Othinus auctor poëseos in Septentrione habebatur, quæ inde *Aſamal* (*Aſarum fermo*) dicta est, tradensque ipsum sermonis facilitate ac venustate usque adeo cunctos rapuisse, ut singula, quæ proferret, verissima censerent, omniaque versibus elocutum fuisse, unde Othinus & reliqui fani antistites (*Hofguder*) *Liodasmider* h. e. poëtæ appellati sunt (t).

### §. VIII.

Diversis igitur quasi formis, sub quibus Divinitas Othini phantasæ Scandianorum obversabatur, expositis, locus de factis, indole & attributis hujus numi-

---

t) SNORRE STURLESON T. I. p. 7.

\* \* 21 \*

numinis sua quasi sponte se examini offerre videtur.  
Ut enim Græci Latinique de suo Jove, ita nostri  
de Othino multa prædicabant, ipsique tribuebant,  
quorum partem Fridleifi filii religio, venerationem  
& timorem coryphæi rudi plebeculæ incusura, docu-  
erat, partem superstitione & Δεισιδαιμονία popularis,  
solito more addendo, detrahendo deformando omnia  
in pejus & absurdius vertens, finixerat, alia deni-  
que figurata & allegorica oratio poëtarum subtilius-  
que cogitantium, a vulgo non intellecta, pepererat.  
Omniū primum creatio universi in Edda Othino  
ejusque fratribus tribuitur, non tamen ut creatori-  
bus, sed opificibus, materiam fингentibus. Quo lo-  
co etiam conatus mentis humanæ, in principio o-  
mnium rerum ultimo inveniendo se torquentis, cer-  
nitur, quem nodum inextricabilem tandem solvit  
hypothesis a nostratis non solis adhibita, de dupli-  
ci principio, sive de duobus locis *Niflheim*, frigus  
omniaque ferocia, & *Muspelheim*, ignem calorem-  
que effundente, quorum concurso in vasto abysso  
*Ginnungagap* facto pruina in guttas resoluta hominem  
genuit *Tmer*, e cuius oceisi cadavere *Bori* filii mun-  
di compagem struxerunt. *Bor* erat filius τῆς *Bure*,  
qui exstiterat e lapidibus, quos vacca *Audumbla*  
linixerat. His, ut videtur, antiquissimis, posteritas  
multa addidit, e recentioris Othini vita decerpta,  
v. c. de urbe *Asgard*, patria Fridleifi filii, successu  
temporis in cœlum sublata, de duodecim judicibus

in cœlo, ad similitudinem sacerdotum, Sigtunæ cooptatorum, cet. Nec minus multa mere allegorica deprehenduntur. v. c. de duobus corvis, *Hugin & Munin* (animo & memoria,) Othino omnia nova narrantibus, solium ipsius, unde totum mundum perspicere potuit, quæ multaque alia, nonne divinitatis attributa designant? Nomina primorum hominum *Ašk & Embla*, quos e duobus lignis, in littore maris inventis, filii Bori formarunt, Othinus anima & vita donavit, Vile motu & scientia ornavit, Ve denique facie, sermone, auditu, visu & amictu decoravit, cum nominibus Adami & Evæ quodammodo convenient, similique modo multa alia doctrinæ Christianæ congruunt (*u*). Quibus inter se collatis patet, narrationem Eddæ genuinam haud esse censendam, nec ad Othinum referendam, sed posterioribus temporibus ex dissimilibus partibus contextam fuisse, idemque de ipsa valere, quod infra de Ragnarockr observabimus. Ideoque etiam longius ejus examen ad nostram de Othino quæstionem non pertinere, arbitrati sumus.

## §. IX.

Quodsi porro de potestate & operibus Othini, in mundo a se creato, quæratur, ex monumentis Islandicis cernitur, eum potentissimum habitum fuis-

---

*u)* De his vide *Eddam* Fabb. 4 — 7, & 27.

isſe, qui, omnibus rebus ſibi ſubiectis, ſingula quæ vellet, efficere poſſet, nec facile eventus quidam memorabilis Scandianos obſtupefaciebat, quin Othi- nus ejus auctor crederetur, qui etiam quocunque, ſive ingenii, ſive corporis dote, vitæque commodo fidos ſuos cultores ornare potuit (v). Inprimis in bellis pugnisque præſens Othini numen venerabatur antiquitas, doctrina ipsius carminibusque poëtarum inducta, qui eum bella commoventem, acies instruen tem, vietoriam, cui volebat, largientem, fortitudine & viribus cultores ſuos ornantem, iſpumque prælio rum horroribus & militantium turbis ſe immiſcentem, immo iſpos Reges ducesque ſua manu interficiem, finxerunt, ut breviter dicam: vix ullum gesit antiquitas memorabilius bellum, in quo non omnia con filia callidiora, eventusque insoliti Othino auctori tribuerentur. Multa hujusmodi habet SAXO, (x) qui

v. c.

v) Carmen antiquum in TORÆI Serie Regum Daniæ p. 258 1q. bæc habet: *Oremus patrem exercituum, ut animis nostris illabatur. Is cuique pro meritis aurum impertit; hic Hermodum casside & lorica, Sigmundum vero enſe donavit, filios ſuos vietoria beat, alios autem opibus, alios eloquentia, alios sapientia, aliis de secundo vento providet, poëtis ſingularem venam & genium ſuggerit, multorumque pectoribus beroicum animum inflat.*

x) Vide v. c. ejus Hist. Dan. p. 17, 138, 139, 142, 146, 147.

v, c. Haraldum Hildetand egregiam corporis formam proceritatemque Othini favori debuisse tradit, cuius consilio etiam rex in acie nova ratione instruenda adjutus est, tandemque, hujus in prælio Bråvalleusi cædes, a consiliario ipsius Brunone, commissa Othino, forma hujus adsumta, equos regis in pugna regenti, imputata est. Cujus auxilii efficacis remunerandi gratia solennis olim erat mos, in bello cæfos, immo interdum ipsos reges, Othino promittendi & immolandi, qua ratione Rex Heidrekus post secundam pugnam Deorum altaria sangvine Regis Hal-dani filique ejus tingi jusfit, omnesque occisos Othino consecravit, sine dubio corporibus eorum suspensis y). Quin Ericum Victoriosum, quo ex Styr-björno victoriam reportaret, exactis decem annis, Othino se devovisse traditur z). Etiam Anum Grandævum, decimo quoque anno uno filiorum Othino immolando, exitum vitæ prorogasse, fama olim ferrebat a). Sæpe quoque fidis cultoribus se conspicendum præbuit, in primis quando astuta consilia ineunda cædesque perpetrandæ erant, ut jam supra de Rege Vicaro monuimus. Tam vero firmiter persuasio de revelationibus Othini animis Scandianorum inhæserat, ut etiam post propagatam in septentrio-ne

---

y) *Hervarar* S. C. 2.

z) Vide TORFAEI *Trifolium Historicum* p. 75.

a) SNORRE S. T. I. p. 30, 31.

ne Christianam Religionem aut ipse, aut potius Diabolus, forma ipsius induitus homines tentare, ipsisque insidias struere crederetur, cuius farinæ est narratio SNORRONIS de Othino, Regi Norvegiae Olavo Tryggvæ filio, viso, multaque antiqua narrante b). Collatis de cetero inter se locis antiquorum de Othino Deo, īdoles & character ipsius, qualem numinis barbari futurum suspicari licet, cernitur, αγκυλοπητει scilicet, dolos struentis, vindictæ cupidi, sanguine & cædibus placandi.

## §. X.

Exponenda sequitur doctrina de *Valhall*, ubi Othinus omnes in bellis cæsos violentave morte interemtos se excepturum promisit, cuius origo Fridleifi filio ut supra monuimus, debetur, amplificatio forte accuratiorque descriptio luxurianti seriorum poëtarum phantasiæ tribuenda, quod simplex SNORRONIS narratio cum fictionibus Eddæ collata haud obscure demonstrare videtur, quæ Valhall tanquam palatum in urbe Asgard e terra in cœlum jam sublata, 540 foribus conspicuum, unaquaque 800 heroibus simul pervia, describunt. Qui inclyta fortitudinis laude, rerumque gestarum splendore domicilium hoc omnium exoptatissimum meruerant, a

*Val.*

*Valkyriis c) ad Valhall deducti maximam diei partem pugnando mutuisque se sternendo cædibus absu[m]ebant, sed (mirabile dictu!) instantे coenæ tempore omnes redivivi & incolumes in aulam equitabant. Victus eorum erat lardum apri *Serimner*, quotidie assati, sed vespera quaque iterum integri. Nec minus benigne Othinus de potu eorum prospexerat, quem capra ministrabat, e cuius ubere liquor eorum temporum gratissimus (*Mjöd*) tam abunde profluebat, ut omnibus heroibus ineibriandis (!) sufficeret. Ipse tamen (forte hanc vitam divina maiestate indignam ratus) se nullo victu indigentem, sed solo vino contentum, cibumque appositum duobus lupis *Geri* & *Freki* projicientem fingebat. De genere hominum, cui Valhall intrare licuit, jam supra monuimus, eos in bello cæfos esse debuisse, reveraque his proprie domicilium hocce paratum erat, ita ut Othini hospitem fieri (*Othin gifta*) pro in prælio cadere frequenter dictum inveniatur d). Nec tamen omnibus aliis, quorum five animi magnitudo five audacia ad horum similitudinem accedere valebat, aditus prorsus præclusus erat. Quin Othinus ipse cui, ut in bello occumberet, fata non statuerant, morti vicinus, gladio se notari fecit e) ad *Godheim*,*

c) Ita bellatrices Deas, Othini ministras, præliorum exitus huc illuc inclinantes, antiquitas appellabat.

d) V. c. *Hervarar S. C. 5.*

e) *Han let marka sik Geirsoddi.* SNORRE S. T. I. p. II.

*heim*, Deorum sedem jam migratus, aliosque ad suum exemplum sequendum exhortans, (en calliditatem!) nec frustra, nam solennis deinde viguit mos, ne forte mors tranquilla inopinatos Valhallæ deliciis privaret, signo *Geirsodde* se compungendi. Hinc quoque originem traxit consuetudo majorum senio confessorum, aut casu quodam insolito, calamitatis, ut credebant, omne, obstupesactorum, e rupibus *Attestaplar* nominatis se præcipitandi quo facto se *Othinus* gaudiorum participes futuros certissime sibi persuasum habebant, quodque moriendi genus *Iter ad Othinum* (*fara till Othins*) appellabatur. Cujus rei & superstitionis prisorum Sveonum insigne documentum est factum rustici *Skapnartungr* in Gothia Occidentali, qui hospitis ignoti adventu perculsus, mox ad Othinum profectus est, adsumto itineris socio servo fidelissimo, qui nonnisi herum comitans, in Valhall admitti potuisset f). Præterea divites Othino gratiores pauperibus fuerunt; non enim bonum esse ait rusticus, inopem ad hunc proficisci: atque etiam demortui bonis aut olim in terra defossis aut secum crematis frui credebantur, lataque ab Othino est lex, ut defunctorum opes omnes in rogum conjicerentur g). Ita equum Balderi cum Domino crematum narrat *Edda*, idemque SAXO de equo Haraldi

D

Hil-

f) *Gautr.* S. C. 1. 2.g) SNORRE S. T. I. p. 9, & *Verel.* nott, ad *Gautr.* S. p. 27.

Hildetand, quem Ringo Domino pristino dedicavit, adjecta prece, ut ille eo vectore usus fati confortes ad Valhall antecederet, atque apud Praesidem Orci Plutonem sociis hostibusque placidas expeteret sedes. Tum marentes circuire proceres, impensiusque cunctos hortari coepit, uti arma, aurum & quod cunque optimum esset, liberaliter rogo imponerent, ultimum magno regi honorem persoluturi h.). Qui mos facile intelligitur, dummodo vulgarem opinionem mortuos in Valhall eadem vitae conditione usuros adeoque iisdem rebus ac antea opus habituros penderimus. Diversas quoque hominum classes in Valhall fuisse, satis constat, nec reges fortissimosque heroas cum plebe commisceri fas erat. Ita in carmine sic dicto funebrali (*Dödsång*) Ragnari Lodbrok, hic, inter viperarum morsus expiraturus, sed gravissimos quosque cruciatus immota animi magnitudine contemnens hunc in modum superbe canens fingitur:

*Heimboda mier thyser  
Sem fra Herians hollu  
Hefr Othin mier sendar.  
Gladr skall eg ol med Asum  
I ondvege, drecka.  
Lifs eru lidnar stunder,  
Laegiandi skall eg deya*

h. e.

h. e.

Invitant me puellæ  
 Quas Gradivi ex aula  
 Mihi misit Othinus.

Lætus cerevisiam cum Othini sociis  
 In *suprema sede* bibam.  
 Vitæ præterierunt horæ.  
 Ridens moriar i).

Observandus quoque heic est mos poëtarum,  
 heroas atque reges singulari pompa ab Othino ex-  
 ceptos singularem. Hunc in modum *Eywinder Scall-*  
*daspiller* de interitu Regis Norvegiæ Haquini cogno-  
 mine Boni apud SNORRONEM canit, Othinum emi-  
 sisce duas Parcas ad unum inter Reges eligendum, qui  
 Valhall inhabitaret, Hermodumque & Bragum jussisse  
 ut Haquino obviam profecti felicitatem Valhallæ ei  
 promitterent, atque ad se ducerent k). Quanta  
 autem fuerit majorum de Valhallæ felicitate opinio,  
 ardor ille indicio est, quo gravissimis se objicie-  
 bant periculis, mortemque ad voluntariam ruebant,  
 fatorum etiam durissimorum præmia uberrima se  
 illic reportaturos persuasi. Quæ doctrina Othino

D 2

au-

i) Totum carmen exstat in *Ragnar Lodbroks Saga*, hæc  
 versio in *Verel.* nott. ad *Gautr.* S. p. 25.

k) SNORRE S. T. I. p. 163 — 167.

auctori debita, poëtarumque segmentis insigniter amplificata, fortitudinem Scandianorum olim adeo celebrem mirum in modum auxit, mortisque metum minuit. Egregie communem hanc omnium persuasioneum describit auctor carminis Ragnari Lodbroki, supra allati, a vulgari opinione haud abhorrentia canens, quod etiam Rustici Skapnartungr exemplum confirmat, qui *lato & hilari animo ad Othinum concessit*. Etiam apud SAXONEM Biarco de heroibus canit :

Ridendo exceptit lethum, mortemque cachinno  
Sprevit & Elysium gaudens succedit in orbem D.

Cujus tenoris permulta carmina apud hunc auctorem exstant, quæ tamen, ingenio ejus elaborata atque limata, Gothicum fere amiserunt characterem; in primis quia Romanam semper Mythologiam in locum Scandicæ substituit. Ita etiam Plutonem, Ditis feveri regiam cet. pro Othino & Valhall ponit.

#### §. XI.

Nobilem exposuimus locum doctrinæ Othinianæ de sedibus animarum post mortem. Præter Valhall autem *Edda* & *Voluspa* de aliis quoque mansiobus mortuorum mentionem faciunt, ut de *Nifheim*, cui

eui præsidebat *Hela*, ad quam omnes morbis & senio mortui homines pervenirent <sup>m)</sup> & *Nastrond*, quam curiam contextam spinis serpentinis appellat *Voluspa* <sup>n)</sup>, ubi homines perjurii, sicarii cet. pœnas scelerum luerent, serpentibus virus evomentibus, ita ut amnes veneni per curiam manarent. Cum doctrinam de Valhall ad Othinum esse referendam constet, hac autem propagata mox de aliarum quoque, præter fortium, animarum sedibus quæstionem orituram necesse fit, non possumus, quin & *Niflheim* & *Nastrond* Othini jam tempore Scandianis nota existimemus, immo ob silentium *SNORRONIS*, qui Othinum Valhallæ tantum desiderium animis populi instillasce affirmat, a veri similitudine non prorsus abhorret, notiones quasdam de locis hisce jam ante *Coryphæum* hunc viguisse, sequentibus temporibus, poësi magis florente, valde profecto amplificatas. Erat adhuc sedes bonorum & justorum, nomine *Gimle*, de qua mox agemus. Tandem hoc loco monendum est, animas defunctorum (quæ *Drauger*, *Haugboer* olim appellabantur) in sepulcris mansuras a nonnullis creditum fuisse, in quas etiam Othinus imperium exercebat, his e tumulis evocatis, ipse que in illis moratus, unde nomen ei impositum est *Drauga Drottinn* & *Hau-*

<sup>m)</sup> *Edda R.* Fab. 28.

<sup>n)</sup> Versus 36, 37, Cfr. *Edda R.* fab. 49.

*Hauga Drottinn*, h. e. lemurum & tumulorum  
minus o).

§. XII.

Hactenus Othinum singulari primum modo ortum, molem deinde universi e deformibus principiis fingentem, tum totius mundi humanorumque fatorum vicissitudines regentem, bellorum vero horroribus maxime delectatum, ea commoventem & sedantem descripsimus. Ultimum superest fatum ejus exponendum, ipfi exitiale, majestate summi rerum moderatoris indignissimum, magnificisque de ipso antea a nobis allatis opinionibus prorsus contrarium, fœdam dico cædem Othini, in communi ista totius mundi confusione nomine *Ragnarockr* olim celebri, de qua antequam nostrum feramus judicium, paullo altius repetenda sunt, quæ de ipsa referunt monumentu Islandica, quia ex descriptione, quid de ipso eventu censendum sit, facile apparitum credimus. Sero igitur mundi calidi Muspelheim incolas, *Muspelssoner* dictos, in nostram irrupturos terram, maximaque ibi rerum conversionem effecturos, Edda & Voluspa p) confirmant. Prodigia calamitatem portentaria existimabantur tres hiemes, nulla interposita æstate, gelu acerrimo insigne, præcedentibus toti-

o) SNORRE S. T. I. p. 8.

p) Illa Fab. 48. & 49. Hæc Stroph. 43. ad finem.

totidem, quibus universa terra bellis & cædibus arderet. Quibus peractis, sol lunaque a lupis devorabuntur, e cœlo stellæ subducentur, terraque concusfa sic titubabit, ut omnia in ipsa confundantur. Tandem Muspelionii prodibunt, duce *Surture*, duobus monstribus, angue *Midgardiano* & lupo *Fenrisulf* comitantibus, qui ab altera parte, cum Aſis & Valhallæ incolis ab altera pugnam carent, in qua plurimi horum gravissima proſternentur strage, interque ceteros Otiinus a lupo devorabitur.

Hunce igitur finem habebit numen potentissimum, ut a *Loki*(q) progenie ipfe interficiatur, totusque mundus (*allan heim*, rectius forte tota terra) ab ipso creatus a *Surture* comburatur? Neque in nova terra, virenti & amœna, e mari emersura, novoque in seculo aureo, conflagrationem universi fecuturo ulla ejus amplius mentio fit, sed *Balderi* tantum, Asarum optimi, qui olim imperfectus, ex Helæ domicilio reversus, pristinos jam recuperaturus esset honores, nonnullorumque aliorum Asarum. Tandem novo hominum genere a mare & femina, qui in Asylo quodam flammam Surturis latuerant, propagato & filia solis ad mundum illuminandum nata, omnia in priorem statum restaurata erunt. Primo  
qui-

---

q) *Loke* erat principium mali, astutissimus, Aſisque infeliximus. Ejus filii erant Angvis Midgardianus & lopus Fenrisulf.

quidem, an hæc doctrina ab Othino inculcari potuerit, quæri non potest, ne ei coævam quidem fuisse, verisimile est, nisi inimicos ejus, ad honorem ipsius minuendum hæc finxisse credamus, quod tamen nota Othini celebritate, paucis forte placebit. E contrario tot in hac narratione occurunt ideæ Christianæ, totusque locus tantam cum vaticiniis librorum Sacrorum de seculis novissimis, & inde futuris, habet similitudinem, ut vix dubitemus, eum phantasiæ poëtarum seriorum deberi, qui e doctrina Christiana & Scandiana eum composuerunt. Quod eo minus mirum videri debet, quo certius, quamdiu Christiana Religio cum antiqua in Septentrione luctata sit, constat, atque etiam Scandinavios haud paucos, præter priores Deos, etiam Christianum coluisse, notum est, unde quanta utriusque Theologiæ confusio oriretur, longa non eget demonstratione. Accedit etiam, Poëtas sive *Scaldos*, in aulis principum plerumque versatos, quo legati Ecclesiæ Romanæ primo se vertebant, horum doctrinam mature satis discere potuisse. Quod si nobis concedatur, facile quoque erit judicium de domicilio bonorum *Gimle*, de quo Edda: *hæc stabit, cum perierint cælum & terra, ibique viri & boni & justi habitabunt per omnia secula r.* Scilicet, quominus hanc doctrinam Othino tribuamus, character Heroicæ æta-

ætatis, obstat præter virtutem bellicam, haud ullam  
æstimantis, ne dicam, cognoscentis. Inanem igitur  
posuisset Othinus operam in præparanda sede, præ-  
mio virtutum, quarum rara admodum vestigia per  
Septentrionem adhuc sparsa erant.

Ultimam, quæ supereset partem Dissertationis  
de Othino, Scandianorum Numine, nimirum de mo-  
do & ritibus cultus ipsius, per Septentrionem longe  
lateque florentis, quia cum ceterorum Deorum cul-  
tu intime conjunctus est, nec nisi una cum hoc re-  
cte tractari potest temporum ratione coacti, & ne  
volumen nimis crescat, jam omittimus.



*Menda Typographica:*

- Tit. partis pr. l. 3. Scandianorun, lege: Scandianorum.  
Pag. 1. l. 18. Sturlangs, l. Sturlaughs.  
— 2. l. 11. Andax, l. audax.  
— 3. l. 4. Disquisitiore, l. disquisitione.  
Ibid. l. 14. Ant repos, l. aut nepos.  
— l. 18. Sab, l. sub.  
— l. 19. Sturlangs, l. Sturlaughs.  
P. 4. l. 2. Mythologea, l. Mythologica.  
Ibid. l. 20. Corr. m. invertsum.  
P. 5. l. 22. Finlandde, l. Finlandd.  
— 6. l. 5. Ducti, l. ductæ.  
Ibid. l. 11. Adhnc, l. adhuc.  
Ibid. l. 23. Edda, l. Eddæ.  
P. 8. l. 26. Laag, l. Laug.  
Ibid. l. 27. Fornjotherci, l. Fornjotheri.  
P. 9. l. 2. Docemur, l. doceamur.  
Ibid. l. ult. Reenholm, l. Reenhjelm.  
P. 10. l. 25. Adtererda, l. adferenda.  
— 11. l. 20. Del. punctum post: uterque.  
Ibid. l. 21. Poetarum, l. poëtarum.  
P. 14. l. 7. Bic, l. hic.  
Ibid. l. 21. Falbulantur, l. fabulantur.  
P. 16. l. 21. Implerarent, l. implorarent.  
— 17. l. 24. Æris, l. aëris.  
— 18. l. 11. Confebatur, l. censemebatur.  
Ibid. l. 20. §. V, l. §. VI.  
Ibid. l. 23. Censerant, l. censerent.
-